



Postrowne słowo k hłownej zhromadźiznje Domowiny, dnja 5. Apryla 2025 w Budyšinje

Česćeny knježe Statniko,
česćene knjenje a česćeni knježa,
lubi čłonojo Domowiny,

džakuju so Wam wutrobnje za přeprošenje k džensnišej 23. hłownej zhromadźiznje Domowiny – Zwjazka Łužiskich Serbow z.t.. Wjeselu so jara, Wam někotre słowa a mysle posrědkować směć.

Zachowanje, hajenje a dalewuwiwanje serbskeje rěče a kultury ma njesměrnje wysoku hódnotu. Runje w času změny je wosebje wažne, zmužiće do přichoda zhladować a tradicije a rěč žiwje hajić. Swobodny stat Sakska njepodpěruje tole jeno z kampanju „Serbsčina? Nó wězo. / Sorbisch? Na klar.“, ale tež přez přidatne spěchowanske srědky za komuny, kotrež dwurěčnosť aktiwnje zwoprawdžeja. Tute naprawy su sylny signal za widžomnosť, zaznawanje a akceptancu w zjawnosći.

Spěchowanje a zdžerženje serbskeje rěče a kultury matej za mnje, jako serbsce wuknjacu, wosebity wuznam. Z tuteje přičiny leži mi pjenježna podpěra Załožby za serbski lud wosebje na wutrobje. Jako zastupowaca čłonka parlamentariskeje přirady Załožby za serbski lud rady k tomu přinošuju.

Wosebje wažna je mi pak tema kubłanje. Rozšěrjenje a zachowanje rěčnych rumow stej esencielnej za přichod serbskeje zhromadnosće, w šulach a pěstowarnjach. Wuznamne je, zo njewobchowamy sej jenož wobstějace rěčne rummy, ale zo tež nowe wutworimy, zo bychmy serbsku rěč dale šěrili a do wšědnego dnja integrowali.

Zdobom ma so serwisowy běrow we Wojerecach wobchować. Wón je so jako njeparujomny poslužbar a partner za komuny etablěrował a je so stał z wuznamnym katalyzatorom za integraciju serbskeje rěče we wšědnym dnju. To je drohotny přinošk na dobro a přichod serbskeje zhromadnosće.

Domowina je njeparujomny, esencielny a centralny partner, hdyž dže wo naležnosće Serbow. Lětsa stej hłowna zhromadźizna tež w znamjenju wólbow. Chcu wšitkim wolenym zastupjerkam a zastupjerjam wšitko dobre za jich džěladowosć wupřec. Njech stej Wam při tym móc, zmužitosć a třebna rozhladniwosć k dispoziciji, zo byšće nowe puće kročili a na dobro Serbow skutkowali.

Džakuju so Wam za Waš angažement a Waše njesprócniwe džěło w službje serbskeje rěče a kultury. Zhromadnje móžemy wjele docpěć – na dobro Serbow a cyłego regiona.

Wutrobny džak a Wam wšěm wuspěšnu zhromadźiznu přeje

Elaine Jenčec
zapóslanča Sakskeho krajneho sejma